

**Давлат активларини бошқариш агентлигининг биринчи даражали бюджет маблағларини тақсимловчиларнинг
2025 — 2027 йиллар учун бюджет маблағларидан фойдаланиш билан боғлиқ мақсадли индикаторлар ижроси бўйича
МАЪЛУМОТ**

T/р	Ривожлантириш дастури ва мақсадли индикаторлар номи	Ўлчов бирлиги	2025-йил Прогноз	9 ойлик ижроси	Йилликка нисбатан (фоизда)
1	13. Давлат активларини бошқариш агентлиги	млрд. сўм	12,1	8,2	67,7 %
	Стратегик мақсад: давлат иштирокидаги корхоналарни ҳамда давлат кўчмас мулк объектларини хусусий секторга сотиш орқали давлатнинг иқтисодиётдаги улушини камайтириш ҳамда давлат улуши мавжуд хўжалик жамиятларида корпоратив бошқарувни халқаро стандартларга мувофиқлаштириш натижасида бошқарув тизимини такомиллаштириш.				
Якуний натижа кўрсаткичи					
2	Савдога чиқариладиган давлат иштирокидаги корхоналардаги давлат акция пакетлари (улушлари) ва давлат кўчмас мулки объектлари сони	дона	650	1104	169,8 %
3	Замонавий корпоратив бошқарув шакли ва усуллари жорий қилинадиган давлат иштирокидаги корхоналар сони (Иқтисодий ҳамкорлик ва тараққиёт ташкилоти (OECD) тавсиялари асосида ишлаб чиқилган корпоратив бошқарув қоидалари, комплаенс хизмати, корпоратив бошқарув тизимини баҳолаш)	дона	20	16	80%
4	Давлат мулки бўлган бўш турган нотурар бино ва иншоотларни, фойдаланилмаётган ишлаб чиқариш майдонларини ижарага бериш	минг кв.м	3 800	5 892	155,1 %
5	Давлат активларини реализация қилишдан тушган маблағларни давлат бюджетига ўтказиш (корхоналар, хўжалик жамиятларининг устав фондларидаги акциялар, ер участкаларига бўлган ҳуқуқ ва давлат мулки ҳисобланадиган бошқа мулкларни)	трлн. сўм	10,1	5,6	55,4%
Бевосита (тўғридан-тўғри) натижа кўрсаткичи					
6	Савдога чиқариладиган давлат иштирокидаги корхоналардаги давлат акция пакетлари (улушлари) сони	дона	50	60	120%
7	Савдога чиқариладиган давлат ва давлат иштирокидаги корхоналарнинг кўчмас мулк объектлари сони	дона	600	1044	174%

**Давлат активларини бошқариш агентлиги томонидан Биринчи даражали
бюджет маблағларини тақсимловчиларнинг 2025 — 2027 йиллар учун
бюджет маблағларидан фойдаланиш билан боғлиқ мақсадли
индикаторларининг 2025 йил 9 ойлик ижроси юзасидан
ҲИСОБОТ**

Ўзбекистон Республикаси Президентининг 2024 йил 25 декабрдаги “Ўзбекистон Республикасининг «2025 йил учун Ўзбекистон Республикасининг Давлат бюджети тўғрисида»ги Қонуни ижросини таъминлаш чора-тадбирлари тўғрисида” ПҚ – 455-сон қарори билан Биринчи даражали бюджет маблағларини тақсимловчиларнинг 2025–2027 йиллар учун бюджет маблағларидан фойдаланиш билан боғлиқ мақсадли индикаторлар тасдиқланган.

Унда **Стратегик мақсад** сифатида Давлат иштирокидаги корхоналарни ҳамда давлат кўчмас мулки объектларини хусусий секторга сотиш орқали Давлатнинг иқтисодиётдаги улушини камайтириш ҳамда Давлат улуши мавжуд хўжалик жамиятларида корпоратив бошқарувни халқаро стандартларга мувофиқлаштириш натижасида бошқарув тизимини такомиллаштириш назарда тутилган.

Мазкур мақсадлар учун якуний кўрсаткич сифатида 2025 йилда Савдога чиқариладиган давлат иштирокидаги корхоналардаги давлат акция пакетлари (улушлари) ва давлат кўчмас мулки объектлари сонини **650 та**га етказиш, шундан бевосита (тўғридан-тўғри) натижа кўрсаткичи тариқасида 2025 йил учун:

а) савдога чиқариладиган давлат иштирокидаги корхоналардаги давлат акция пакетлари (улушлари) сони 50 донга;

б) Савдога чиқариладиган давлат ва давлат иштирокидаги корхоналарнинг кўчмас мулк объектлари сони 600 донга назарда тутилган.

Юқорида қайд этилган қарор ва белгиланган Индикаторлар ижросини сўзсиз таъминлаш мақсадида Давлат активлари агентлигининг **2025 йил 4 январдаги 12-сон буйруғи** тасдиқланиб, ижроси Давлат активлари агентлигининг таркибий бўлинма раҳбарларининг шахсий назоратига олинган.

Индикаторларнинг баҳолаш ҳар чорак якуни бўйича **Ички аудит хизмати** томонидан амалга оширилмоқда ва натижалари бўйича маълумотлар Ўзбекистон Республикаси Олий Мажлиси, Вазирлар Маҳкамаси ва Иқтисодиёт ва молия вазирлигига киритиб борилмоқда.

Белгиланган мақсадли индикаторларнинг барчаси сўзсиз ижроси таъминланмоқда. Хусусан:

а) Савдоларга чиқариладиган давлат иштирокидаги корхоналардаги давлат акция пакетлари (улушлари) сонини 50 та, савдоларга чиқариладиган давлат ва давлат иштирокидаги корхоналарнинг кўчмас мулк объектлари сони 600 тага етказиш бўйича:

2025 йил 1-октабр ҳолатига Давлат активлари агентлиги томонидан **60 та** давлат иштирокидаги корхоналардаги давлат акция пакетлари (улушлари) ҳамда **1 044 та** давлат ва давлат иштирокидаги корхоналарнинг кўчмас мулк объектлари савдоларга чиқарилган.

Маълумот учун, Ўзбекистон Республикаси Президентининг 2025 йил 21 апрелдаги ПФ–70-сон Фармонида асосан 659 та давлат ва давлат иштирокидаги корхоналарнинг кўчмас мулк объектлари ҳамда 113 та акция пакетлари (улушлари) оммавий савдолар орқали сотилиши белгиланган.

Мазкур Фармон 2024 йил учун мақсадли индикаторлар тасдиқлангандан сўнг қабул қилинган бўлиб, хусусийлаштириладиган давлат кўчмас мулк объектлари ва акция пакетлари (улушлари) сони индикатор кўрсаткичининг режага нисбатан ортиги билан баъжарилишига туртки бўлди.

б) Замонавий корпоратив бошқарув шакли ва усуллари жорий қилинадиган давлат иштирокидаги корхоналар сонини (Иқтисодий ҳамкорлик ва тараққиёт ташиклоти (ОЭСД) тавсиялари асосида ишлаб чиқилган корпоратив бошқарув қоидалари, комплаенс хизмати, корпоратив бошқарув тизимини баҳолаш) 20 тага етказиш бўйича:

Замонавий корпоратив бошқарув шакли ва усуллари жорий қилиш мақсадида Ўзбекистон Республикаси Президентининг 2023 йил 24 мартдаги ПҚ-101-сон қарори билан тасдиқланган Давлат активларини бошқариш соҳасида ислохотларни чуқурлаштириш ва тизим фаолиятини трансформация қилиш бўйича «Йўл харитаси»нинг 3-бандига мувофиқ, барча давлат иштирокидаги корхоналар учун янгиланган **Корпоратив бошқарув қоидалари** ишлаб чиқиш бўйича, Давлат активларини бошқариш агентлигининг 2023 йил 23 июндаги 145-сон буйруғи билан давлат иштирокидаги корхоналар учун **корпоратив бошқарув қоидалари (янги тахрирда), ахлоқ кодекси, коррупцияга қарши курашиш сиёсати, манфаатлар тўқнашувини бошқариш сиёсати, қоидабузарликлар ҳақида хабардор қилиш сиёсати** каби қоидалар ишлаб чиқилган.

Ҳозирда, **давлат иштирокидаги корхоналари**дан **15 тасида** («Ташигпрогор» АЖ, «Савдони ривожлантириш компанияси» АЖ, «Юггазстрой» АЖ, «Кварц» АЖ, «Олот нефть ва газ қидирув экспедицияси» МЧЖ, «АС-Андижон-Сервис» МЧЖ, «ДВСИМ» МЧЖ, «Космик мониторинг ва геоахборот технологиялари маркази» МЧЖ, «Рақамлаштириш ва сертификатлаш» МЧЖ, «Маркази Спорт газетаси таҳририяти» МЧЖ, «Иновация ва саноат интеграцияси маркази» МЧЖ, «ЯГОНА БОШҚАРУВ КОМПАНИЯСИ» МЧЖ, «Ташиуш сув иншоотларидан фойдаланиш дирекцияси» МЧЖ, «ЖАНУБГАЙЎЛҚУРУВЧИ» МЧЖ, «ЖАНУБГАЗ БУТЛАШ ВА ҚУРИЛИШ ҚУРИЛМАЛАРИ» МЧЖ) корпоратив бошқарув қоидаларига (янги тахрирда) риоя этиш мажбурияти йўлга қўйилган.

1 тасида («Ўзбекистон республика товар-хонашў биржаси» АЖ) Корпоратив бошқарув кодекси тавсияларига мувофиқлигини баҳолаш натижалари бўйича ҳулоса тасдиқланган ҳамда Корпоратив бошқарув қоидаларининг давлат иштирокидаги тавсияларига риоя этилишини мониторинг қилиш тўғрисидаги ҳисоботи тасдиқланган.

д) Давлат мулки бўлган бўш турган нотураб бино ва иншоотларни, фойдаланилмаётган ишлаб чиқариш майдонларини ижарага беришда 3,8 млн кв.м га етказиш бўйича:

2025 йил 1-октабр ҳолатига республика бўйича **5 892 минг кв. м.** давлат мулки бўлган бўш турган нотураб бино ва иншоотлар, фойдаланилмаётган ишлаб чиқариш майдонлари **ижарага берилган.**

э) Давлат активларини реализация қилишдан тушган маблағлардан 10,1 трлн сўм пул маблағларини республика бюджетига ўтказиш (корхоналар, хўжалик жамиятларининг устав фондларидаги акциялар, ер участкаларига бўлган ҳуқуқ ва давлат мулки ҳисобланадиган бошқа мулкларни) бўйича:

2025 йил 1-октабр ҳолатига давлат активларини реализация қилишдан тушган маблағлардан Ўзбекистон Республикаси давлат бюджетига **5,6 трлн сўм** ўтказилган.

ф) Давлат активларини бошқариш агентлигига бюджетдан ажратилган 12,1 млрд сўмлик маблағларнинг мақсадли сарфланиши ва мақсадли индикаторларнинг тўлиқ бажарилиши бўйича:

2025 йил 1-октабр ҳолатига Давлат активларини бошқариш агентлигига бюджетдан ажратилган маблағларнинг мақсадли сарфланиши ва мақсадли индикаторларнинг тўлиқ бажарилиши таъминланиши учун **8,2 млрд сўмлик** маблағлар сарфланди.